

Nunatsinni nioqquissat akiisa OECD-imi inuussutissat ulluinnarni atorneqakkajuttut naliginnaasumik akiisa agguaqatigiisinnerinut naleqqiullugu nunatsinni qaffasippallaarujussuarnerisa sumik tunngaveqarnersut misissueqqullugit naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuineq UKA2020-imi nallertinnagu inatsisartunut saqqummiunneqassaaq.

(Inatsisartunut Siumup gruppiani ilaasortat)

Akissuteqaat

(Inuussutissarsiornermut, Nukissiuuteqarnermut Ilisimatusarnermullu Naalakkersuisoq)

Siullermeerneqarnera

Nunatsinni inuussutissat ulluinnarni atorneqakkajuttut akiisa qaffasippallaarnerujussuarnerannut patsisaasumik misissuinissaq pillugu aalajangiiffigisassatut siunnersummut Inatsisartunut Siumup gruppiani ilaasortat Naalakkersuisut sinnerlugit qutsavigissavakka.

Nunamut tamarmut nioqquissanik pilersuinermik qularnaarinissaq Naalakkersuisut naalakkersuinerannut pingaarutilittut ilaavoq. Tassaniipput nioqquissat neqeroorutaasut amerlassusaaq, soorlulusooq neqeroorutinut akigititatut neqeroorutaasut. Nioqquissat ulluinnarni atorneqakkajuttut akiisa inissisimaffiat nunatsinni innuttaasunut tamanut inuuniarnermi atugarisanut assut pingaaruteqarput.

2017-imi februarip qaammataani Kalaallit Nunaata aamma Danmarkip akornanni akigititanik assersuussissumvik Kalaallit Nunaanni Naatsorsueqqissaartarfik saqqummiussaqarsimavoq. Kalaallit Nunaanni Naatsorsueqqissaartarfip misissueqqissaarinerani takuneqarsinnaavoq Danmarkimut naleqqiullugit nunatsinni akitigitat tamarmiusut inissisimaffiat 6,3 %-inik qaffasinnerusoq aamma tassani takuneqarsinnaavoq.

Imigassat aalakoormartortallit pinnagit nioqquissat inuussutaasut akiisa inissisimaffii kisiisa assersuukkaanni Danmarkimut naleqqiullugu nunatsinni akigitat inissisimaffiat 36 %-it missaannik qaffasinnerusoq aamma tassani takuneqarsinnaavoq.

Nunatsinni aamma nunani OECD-mi ilaasortaasuni akigitat inissisimaffiisa akornanni assigiinngissutaasunut patsisaasunik misissueqqissaarinissaq Naalakkersuisut qilanaaraat. Aammattaaq nunap iluani akit assigiinngissutigisinnasaat misisoqqissaarneqarumaarpooq.

Misissueqqissaarinerit tunngavigalugit nioqquissanut ulluinnarni atorneqakkajuttunut akigitat inissisimaffiisa, ajornannginnersoq qanorlu apparinnejqarsinnaaneranut Naalakkersuisut siunnersuutinik saqqummiussaqassapput.

Taamatut oqaaseqarlunga siunnersuutip akuersissutigineqarnissaq Naalakkersuisut inassutigaat.